

# 《佛說無量壽經》補充講表

◎附表二十八：以下糅合《佛說無量壽經甄解》

○修心佛法：以佛法來修心，所謂心作心是。

※《寒笳集》云：「小人以己之過為人之過，每怨天而尤人。君子以人之過為己之過，每反

躬而責己。夫不謂人過謂己過，有四觀焉：

眼見惡色、耳聞惡聲等，皆自業所感，非關他事故；

惡境紛紛，皆唯識所現，虛幻不實故；

眾生煩惱無量，應度應斷，己分事故；

眾生修惡，即是性惡，眾生性惡即己性惡故。」

※《占察善惡業報經義疏》卷下云：「譬如同在一處，天見琉璃，魚見窟宅，人見清水，

鬼見膿血炭火，離彼四類有情心想，何嘗別有法相可得。又如

同一美女，有欲男子視之，以為妙好；等輩妒婦視之，以為怨家。魚見之深入，鳥見之高飛，麋鹿見之決驟。不淨觀人視之，以為行廁；出世聖人視之，知其本空；入假菩薩視之，知其能為十界染淨緣起；佛眼視之，知即法界實相。舉此一法，總不出於十界各自心量，心外無境。一切諸法，例皆可知。」

○猶如大地，淨穢好惡無異心故；……如師子王，無所畏故。曠若虛空，大慈等故。

◆猶如大地，至蓮華無染，六喻是自利。從猶如大乘，至若虛空大慈等故，十三喻明利他。

○猶如大雨，雨甘露法潤眾生故：《普門品》云：「澍甘露法雨，滅除煩惱焰。」

○金剛山：即鐵圍山。須彌山為中心，外有七山八海，即圍繞須彌四洲外海之山。

○梵天王：初禪三天，統稱梵天。大梵天也叫大梵天王。

○尼拘類樹：亦云：「縱橫樹」也，此樹的樹蔭很大。《智論》卷八云：「婆羅門言，我曾

道中，見一尼拘類樹，蔭覆賈客五百乘車，蔭猶不盡。」

○優曇鉢華：此云：瑞應亦靈瑞，三千年一出，今喻菩薩教法難值也。

○金翅鳥：如金翅鳥，食毒龍故，喻勇猛威力，降伏外道。為八部眾之迦樓羅。屬畜神。

○如眾遊禽，無所藏積故；即千百億化身。

※唐譯云：「無所聚積，猶如飛鳥。」宋譯云：「如空中禽，無住處故。」

○牛王：《勝鬘經》云：「又如牛王，形色無比，勝一切牛。」

○善調伏故：善於診斷眾生的煩惱，如貪、瞋、癡等，並能夠針對煩惱的輕重，對症下藥。

○摧滅嫉心，不忌勝故。

※《占察善惡業報經義疏》云：「隨喜，滅嫉妒障，故亦名悔。一切諸佛，三乘聖眾，六道

凡夫，並皆在我現前一念心中同一體性，本無彼此。由我執故，妄計自他而生嫉妒。今悔此過，深於一切凡聖平等起隨喜心，則是攬法

界善以為己善，其善乃大，豈必獨自運心動身口業以為善哉！」

○專樂求法，心無厭足。常欲廣說，志無疲倦。（《集一切福德三昧經》：最勝仙人）

○擊法鼓，建法幢，曜慧日，除癡闇。

※《佛說無量壽經義疏》曰：「言擊法鼓，喻聞慧法。鼓聲遠被，名擊法鼓。建法幢者，喻思慧法，立義稱建，義出名幢。言曜慧日，除癡闇者，說修慧法，開眾生也。」

○修六和敬，常行法施：◆六和敬：外同他善，謂之為和。內自謙卑，名之為敬。

◆和合有二義：一、理和：謂同證無為解脫。二、事和：謂戒和同修、見和同解、利和同均、身和同住、口和無諍、意和同悅。

○為世燈明，最勝福田。常為師導，等無憎愛，唯樂正道，無餘欣戚。拔諸欲刺，以安群生。

※《普賢行願品》云：「於諸病苦，為作良醫。於失道者，示其正路。於闇夜中，為作光明。於貧窮者，令得伏藏。」

○因力，緣力，意力，願力，方便之力。常力，善力，∴施戒忍辱，精進禪定，智慧之力。

◆力：力用也，滅惡名力，生善名用，為菩薩的妙用。因力、緣力為一門，起修所依，過去之聞思修慧，能生今善，名為「因力」；近善知識，聽聞正法，名為「緣力」。

◆如理作意，名意力（即不忘念）；求菩提心，名為願力。

※《佛遺教經》云：「汝等比丘，求善知識，求善護助，無如不忘念。若有不忘念者，諸煩惱賊，則不能入。是故汝等，常當攝念在心。若失念者，則失諸功德。若念力堅強，雖入五欲賊中，不為所害；譬如著鎧入陣，則無所畏。是名【不忘念】。」

◆方便力：是七地菩薩隨機教化，利益眾生的種種權巧方便，亦即是方便般若。

修止成就，名為「定力」；修觀成就，名為「慧力」。

○施戒忍辱，精進禪定，智慧之力。

※《大乘起信論》云：「以知法性，體無慳貪故，隨順修行檀波羅密。以知法性無染，離

五欲過故，隨順修行尸波羅密。以知法性無苦，離瞋惱故，隨順修行羼提波羅密。以知法性無身心相，離懈怠故，隨順修行毗黎耶波羅密。以知法性常定，體無亂故，隨順修行禪波羅密。以知法性體明，離無明故，隨順修行般若波羅密。」

○正念止觀，諸通明力。

※《大乘起信論》云：「心若馳散，即當攝來，住於正念。是正念者，當知唯心，無外境界。即復此心，亦無自相。念念不可得。」

※《大乘起信論》云：「若行若住，若臥若起，皆應止觀俱行。所謂雖念諸法，自性不生（空觀）；而復即念因緣和合，善惡之業，苦樂等報，不失不壞（假觀）。雖念因緣，善惡業報（假觀），而亦即念性不可得（空觀）。」

○修空、無相、無願三昧，不生不滅諸三昧門。

※《成唯識論觀心法要》卷八云：「空解脫門，知遍計空（遍計本無）。無願解脫門，於他法無所願求。無相解脫門，證圓成實，離有無相也。」